

## **XXVIII**

*Mba'e kirĩĩ  
oñe'ẽ potáva  
che ñe'ẽ rupi.  
Ayvu itiríva  
che ahy'o mbytépe,  
ayvu ojekáva  
che kũ ha che pópe,  
omoko'embyva  
che ñe'ẽ.  
Che porã nga'u  
ndéve, ayvumi,  
rejera haguã  
ha nde potypa  
ko'ápe.*

## ***XXIX***

*Ta hayvi nga'u  
mba'epu mirĩ  
mbegue katuete,  
piro'y asy.  
Toheréi pire,  
toike pypuku,  
toñemboapyka  
che'ã  
ruguáitépe.*

### **XXX**

*Ha... Tamora'e  
opáy pe che'ãme  
pytu,  
opáy ñe'emi,  
Ha tamora'e  
oikove ñe'e  
umi che ypykue  
ñe'e rapykuerépe.  
Opáy pe ayvu  
membymi,  
mandu'a.*

## **XXXI**

*Topáy che ahy'ópe  
ha topáy che pópe,  
toje hovahéi  
tojetyvyro,  
tojerokymi  
apysápe.*

*Ha upéi toguapy  
ko kuatia ári,  
tojetepyso,  
tojepejumi,  
omombe'u hápe  
oñandúva ohóvo.*

## ***XXXII***

*Ta hosã nga'u  
che kũ ha che po,  
ndéve, che turu.  
Jepe ta ichavi,  
ta ikarape,  
ta ivaimi  
pe ipu.  
Taiko'ẽ porã,  
ha tahetia'e,  
taipu meme,  
taipu hatãve ohóvo.*

### ***XXXIII***

*Mba'epu mirĩ,  
ayvu membyre,  
tyre'Σ  
añomi.  
Ayvumi jey  
ayvu rapytágui  
repáyva,  
ohupytyséva  
ára purahéi.*

### **XXXIV**

*Mba'epu mirĩ,  
ñe'ẽ tavymi,  
che puraheimi.  
Ayvu pehengue  
oikove jeýva.  
Tovy'a nga'u  
che kũ ha che pópe.  
Mbegue katueténte,  
mborayhu rupápe,  
tokakuaapa.  
Ha upéi tojera,  
toho yvytúre.*